

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje,
nauku i mlade



Босна и Херцеговина

Федерација Босне и Херцеговине

КАНТОН САРАЈЕВО

Министарство за образовање,
науку и младе

Примљено: 30.05.2019

Klasifikaciona oznaka Org. jedinica

UP-1-14-12-38-18669/18

29-05-18098

Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

Bc. prih. Vrij.

0 0,00

Broj: 11-05-38-18098-1/19
Sarajevo, 13.05.2019. godine

KANTONALNA UPRAVA ZA INSPEKCIJSKE POSLOVE

Inspektorat prosvjetne inspekcije

Sarajevo, Aleja Bosne Srebrene bb

PREDMET: Odgovor na vaš zahtjev, broj: UP-1-14-12-38-18669/18-12/02-004 od 15.04.2019. godine, *dostavlja se*

Poštovani,


vašim zahtjevom gornji broj zatražili ste tumačenje tačke VII Odluke o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu (od 11.06.2009. godine), a po zahtjevu sudinice Općinskog suda u Sarajevu u predmetu sudskog odlučivanja po zahtjevu Građevinskog fakulteta Univerziteta u Sarajevu.

S tim u vezi informišemo vas o sljedećem:

Tačka VII predmetne Odluke glasi: *Studenti koji obnavljaju godinu studija uplaćuju do 100,00 KM za svaki nepoloženi ispit, s tim da ukupan iznos (uključujući i upisninu) ne može preći visinu troškova studija iz tačke III ove odluke.*

Naprijed navedena odredba tačke VII Odluke se odnosi na studente koji sami finansiraju svoj studij (redovni samofinansirajući, vanredni i DL studenti).

Tačkom III predmetne odluke utvrđene su cijene visine troškova studija po jednoj studijskoj godini za sve cikluse i za sve statuse studenata koji sami snose troškove studija.



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



Redovni studenti koji se finansiraju iz Budžeta Kantona Sarajevo oslobođeni su troškova studija ukoliko ne izgube taj status na način propisan članom 164. stav (6) Zakona o visokom obrazovanju („Službene novine Kantona Sarajevo“, broj: 33/17).

Član 164. stav (6) Zakona o visokom obrazovanju glasi: *Redovni student koji se finansira sredstvima osnivača na Univerzitetu ima pravo u toku prvog ciklusa studija odnosno integrisanog studija jedanput obnoviti studijsku godinu zadržavajući taj status. Ukoliko redovni student više od jednom obnavlja godinu studija u toku prvog ciklusa studija odnosno integrisanog studija gubi status budžetski finansiranog studenta, ali može nastaviti studij u statusu redovnog samofinansirajućeg studenta.*

S poštovanjem,



MINISTRICA

Zijeta Bogunić

Dostaviti:

- Naslovu,
- a/a.



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1






Bosnia and Herzegovina
Federation of Bosnia and Herzegovina

CANTON SARAJEVO
Ministry for Science, Higher Education and Youth

Broj: 27/03-34-39457/21
Sarajevo, 3.11.2021. godine

UNIVERZITET U SARAJEVU
Obala Kulina bana 7/II
71 000 Sarajevo



PREDMET: Odgovor, dostavlja se

- Veza Vaš akt broj: 0101-10457/21 od 25.10.2021. godine -

Poštovani,

Ministarstvo za nauku, visoko obrazovanje i mlade Kantona Sarajevo zaprimilo je Vaš akt, broj gornji, kojim ste zatražili instrukciju za postupanje u vezi Zahtjeva Građevinskog fakulteta Univerziteta u Sarajevu, broj: 01-2-1857/21 od 22.10.2021. godine, a isti ste dostavili u prilogu. Također, u prilogu ste dostavili i molbe za oslobađanje plaćanja školarine od studentica: Amile Muslić, Aide Karović i Selme Redžić.

U Vašem aktu ste naveli da Vam se Građevinski fakultet obratio radi davanja instrukcije vezano za postupanje u vezi naplate upisnine, školarine, naknade za nepoložene ispite za djecu koja spadaju u posebne kategorije definisane članom 164. stav (9) Zakona o visokom obrazovanju ("Službene novine Kantona Sarajevo", br. 33/17, 35/20, 40/20 i 39/21).

Nadalje, u aktu navodite da na fakultetima/akademijama Univerziteta u Sarajevu postoji neujednačena praksa u vezi realizacije Odluke o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu te fakulteta i akademija u njegovom sastavu („Službene novine Kantona Sarajevo“, br. 19/09, 31/12, 36/12, 4/15, 15/15, 16/18 i 21/18), odnosno naplata upisnine, naknade za nepoložene ispite i školarine studentima koji prvi put obnavljaju godinu, a koji spadaju u posebne kategorije.

Cijeneći Vaše navode kojima se pozivate na član 164. stav (9) Zakona o visokom obrazovanju, ukazujemo na činjenicu da je pomenutim članom propisana obaveza univerziteta, odnosno organizacionih jedinica da oslobode plaćanja troškova školarine studente iz kategorije djece šehida i poginulih boraca, djece ratnih vojnih invalida, djece dobitnika ratnih priznanja, odlikovanja i djece bez oba roditelja.

Također, napominjemo da je članom 25. Zakona o dopunskim pravima boraca – branitelja Bosne i Hercegovine (Novi prečišćeni tekst) („Službene novine Kantona Sarajevo“, broj 18/21) propisano da članovi porodica šehida, porodica poginulih, umrlih i nestalih branioca, ratnih vojnih invalida i članova njihovih porodica, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, branioca, demobiliziranih branioca, dobrovoljaca, organizatora otpora, veterana i ratnih vojnih zarobljenika, kao lica zaslužnih u



odbrambeno - oslobodilačkom ratu sa područja Kantona Sarajevo, kao i mirnodopskih vojnih invalida imaju pravo na prvenstvo upisa i besplatno školovanje u obrazovnim ustanovama čiji je osnivač ili suosnivač Kanton ili Grad Sarajevo ili općina na osnovu posebne odluke Vlade te da će obrazovne ustanove svojim pravilima ili drugim aktima utvrditi način i uvjete za korištenje ovog prava.

U skladu sa ovom zakonskom odredbom Vlada Kantona Sarajevo je donijela Zaključak, broj: 02-04-38556-22/21 od 21.10.2021. kojim se obavezuje Ministarstvo za nauku, visoko obrazovanje i mlade Kantona Sarajevo da za akademsku 2021/2022. godinu omogući pravo na besplatno školovanje unutar vlastitih pozicija, odnosno u okviru sredstava predviđenih za visokoškolske ustanove, djeci šehida i poginulih branioca, djeci ratnih vojnih invalida i dobitnika ratnih priznanja i odlikovanja upisanih na visokoškolske ustanove, kao redovnim i samofinansirajućim studentima, kao i prednost prilikom upisa za akademsku 2021/2022. godinu.

Uvažavaju sve gore navedeno, mišljenja smo da je fakultet obavezan donijeti akt kojim će studente iz posebne kategorije definisane članom 164. stav (9) Zakona, a koji obnavljaju godinu, osloboditi plaćanja 100,00KM za svaki nepoloženi ispit.

S poštovanjem,



Pripremila: Azra Ivazović, pomoćnica ministrice
Sekretarka Belma Trajkov

Dostaviti:

-naslovu

-a/a.



web: <http://mon.ks.gov.ba>
e-mail: info@mon.ks.gov.ba
Tel: + 387 (0) 33 562-029
Sarajevo, Reisa Džemaludina Čauševića 1

